

uos cernere. Cum interuentus noctis, animos ab operibus in curas traduxisset, nec minus lætitia victoribus, quam inclusis dolor consilium ademisset, visum est Herennium victoris Patrem, virum & ætate & sapientia prouectum consulere, neque enim procùl aberat. Senex audito rerum statu, consilium dedit: Ut abire permitterentur, insuper & honorificis verbis, & omni obsequiorum genere prosequerentur. Quod vbi in consilio castrorum, apud feroces animos iuuenum agitari cœpit, nimis molle ac prorsus senile consilium, de tam infestis hostibus, & indigna res omnibus videri, proinde iussus nuncius reuerti, & virilius responsum poscere: at ille, Omnes ad vnum occidendos censuit Romanos: Enimuerò tum cuncti, præcipuè Imperator delirantem iam senio patrem affirmare, qui de eadem re tam repugnantia suaderet: quia tamen fama hominis ingens erat, placuit rursus exquirere, si quod fortè medium consilium haberet. Tum verò senior stratu sese iussit attolli, & vehiculo impositum ad castra filij præferri, cuius ad aduentum circumfusus omnibus: Nihil, inquit noui, consilij datu-

v. ij.